

四庫全書

子部

欽定四庫全書

子部

六藝之一錄卷七十三至五

詳校官中書臣陸湘

負外郎<sub>臣</sub>牛稔文覆勘

總校官檢討<sub>臣</sub>何思鈞

校對官中書<sub>臣</sub>陸湘

謄錄監生<sub>臣</sub>章玉植

欽定四庫全書

六藝之一錄卷七十三

錢唐倪濤撰

石刻文字四十九

唐碑墓誌

司空竇抗墓誌

歐陽詢撰并八分書武德五年三月

金石錄

右唐竇抗墓誌歐陽詢撰并書其所歷官新舊史所書頗多闕畧蓋抗在隋自岐州刺史遷冀州又遷定

州又為遼東道行軍總管改朔州道遂授持節幽易  
燕檀四州諸軍事幽州總管幽州刺史而史直云自  
岐州轉幽州總管其歸唐為弘化道安撫大使遷光  
祿大夫又為左武侯大將軍時以本官領同州刺史  
史皆不載其卒史言謚密而誌作容新史言贈司徒  
而誌作司空舊史亦為司空與誌合

金石錄

劉亮墓誌

正書無姓名武德八年十二月

金石錄

鄭孝王亮墓誌

正書無書撰人姓名貞觀元年

金石錄

正書細字無書撰姓名開皇元年薨唐贈鄭王子淮

安王神通以貞觀二年七月改葬於萬年縣

復齊碑錄

右僕射溫彥博墓誌

無書撰人姓名世傳歐陽詢書貞觀十一年十月

金石

錄

少府監梁璉墓誌

貞觀十一年八月二十一日合葬夫人元氏萬年少

陵景原

復齊碑錄

樂陵縣令長孫迴墓誌

正書無書撰人姓名貞觀十七年九月

金石錄

殷元嗣墓誌

正書無書撰人姓名貞觀二十一年六月

金石錄

太府卿李襲譽墓誌

正書書撰人姓名殘缺貞觀二十三年三月

金石錄

右唐李襲譽墓誌唐史列傳襲譽官閥甚略據墓誌云武德初拜太僕卿出為潞州總管尋徵拜太府卿而傳言高祖定長安授太府少卿者蓋傳誤傳言襲譽坐私憾杖殺番末丞劉武嘗廢為民流泉州而墓

誌不載疑諱之也

金錄石

宜州別駕楊旻墓誌

正書無書撰人姓名永徽二年十二月

金錄石

定州刺史張萬福墓誌

正書無書撰人姓名永徽五年四月錄金石

右衛將軍豆盧承基墓誌

正書無書撰人姓名永徽六年二月錄金石

潤州刺史竇志寂墓誌

八分書無書撰人姓名顯慶元年三月錄金石

乞伏士幹墓誌

正書無書撰人姓名顯慶三年五月錄金石

隋辛素墓誌



正書無書撰人姓名顯慶三年十二月錄金石

武安郡司馬劉仁會墓誌

顯慶三年立京兆金  
石錄

李汪墓誌

正書無書撰人姓名龍朔元年十一月錄金石

司農少卿竇遜墓誌

賀遂亮撰龍朔二年京兆金  
石錄

騎都尉李文墓誌銘

麟德元年二月今在同州

金石文字記

弘文館學士顧君墓誌

正書無書撰人姓名乾封二年二月

金石錄

右唐顧君墓誌已殘缺亡其前一段以事攷之蓋顧  
盾也盾高宗朝為弘文館學士司文郎中卒名姓附  
見唐書令狐德棻傳其子琮仕武后為宰相今此誌  
但云第六子琬等而無琮豈當時官未顯故不載歟

金石錄

高匡墓誌

不著書撰人名氏匡字才仁滄州渤海人碑以乾封二年立本朝嘉祐中永年令石起得之於洺州乾明

僧舍

集古錄目

張士相墓誌

正書無書撰人姓名咸亨四年二月

金石錄

善化府折衝張君墓誌

正書無書撰人姓名永隆二年二月

金石錄

奉化郎岑子輿墓誌

弟義撰正書無姓名垂拱三年十月

金石錄

右唐岑子輿墓誌云君諱子輿字安道南陽棘陽人也曾祖之象祖文本父曼倩按元和姓纂及新唐書宰相世系表載曼倩四子獻義仲翔仲禮而無子輿今墓誌云次弟獻前太子典膳郎次弟義前成均主簿而無仲翔仲禮墓誌既云獻義等則不載仲翔仲禮容有之惟子輿乃曼倩長子姓纂與世系表當書

而闕者何也

金石錄

懷州司兵參軍魏載墓誌

湖州司倉高嶠撰不著書人名氏載鉅鹿曲陽人魏文正公之孫叔玉之子宫至懷州司兵參軍坐事流死嶺南碑以垂拱四年立

集古錄目

魏載墓誌銘其序云祖徵諡曰文正父叔玉光祿卿載以弘文生對策居甲授太常寺奉禮郎以疾謝職尋調懷州司兵參軍屬維揚詭道不戢自焚譴及宗

姻旋加此累以垂拱三年終於嶺外春秋三十有二  
所謂維揚詭道者乃徐敬業起兵於揚州誅武后不  
克也時敬業以前整屋尉魏知溫為軍師所謂譴及  
宗姻者疑敬業敗載坐思溫竄死嶺南耳今據新唐  
書宰相世系表鄭公諸房都無思溫及載而叔玉但  
著一子膺為秘書丞豈載以官卑貶死無後而歿不  
見耶載死不幸而家譜不錄史官不書非事載斯誌  
而誌錄於余其遂泯沒於無聞乎

集古錄

宣州涇縣令竇孝禮墓誌

天授三年正月六日立

復齊碑錄

密州司馬康遂城墓誌

行書無書撰人姓名長壽三年

金石錄

行書不著書撰人名氏君諱遂城字筠會稽山陰人

仕至密州司馬長壽二年四月二十日卒以三年三

月二十四日與夫人柳氏同歸窆於籬渚山之舊塋

寶刻叢編

雅州名山令李文義墓誌

顏令伯撰孫暮正書長壽三年

京兆金石錄

邠州三水丞梁師敬墓誌

薛曜撰暢整書証聖二年

京兆金石錄

冬官尚書李冲玄墓誌

正書無書撰人姓名證聖元年五月

金石錄

南宮昌墓誌

正書無書撰人姓名萬歲通天元年

金石錄



珍州榮德縣丞梁師亮墓誌

正書萬歲通天二年三月今在西安府百塔寺

金石  
文字

記

崔敬嗣墓誌

行書無書撰人姓名長安三年十月

金石  
錄

右周崔敬嗣墓誌云祖咸考表而元和姓纂以咸為  
誠表為儀表又新唐書崔光遠傳中宗在房州官吏  
多不為禮光遠祖敬嗣為刺史獨盡誠推奉帝德之

及反正有與敬嗣同姓名者每擬官帝輒超拜後召見悟非是訪敬嗣已死即授其子汪五品官汪生光遠今以墓誌考之敬嗣武后時實為房州刺史然墓誌載敬嗣長子悅次子協而無名汪者而姓纂亦云悅生光遠然則以悅為汪蓋史誤也敬嗣卒于證聖元年中宗反正其歿已久屢遷他人官而不悟可謂

昏矣

金石錄

竇將軍墓誌

不著書撰人名氏將軍河南人唐太穆皇后之族官  
至右屯衛將軍碑以神龍二年立今其文字缺滅將

軍之名字皆不可見矣

集古錄目

### 兵部侍郎崔兢墓誌

正書無書撰人姓名神龍三年五月

金石錄

右唐崔兢墓誌云公諱兢字明慎祖敦禮父守業按  
舊唐書敦禮列傳云孫貞慎神龍初為兵部侍郎元  
和姓纂新史宰相世系表所書亦同今以墓誌攷之

其家世及名位皆合惟不著其名而以明為貞者皆

唐史及姓纂之闕誤也

金石錄

國子祭酒武承規墓誌

蘇頲撰顏叔堅正書景龍三年八月

金石錄

右唐武承規墓誌蘇頲撰顏魯公家廟碑載魯公之  
父名惟貞字叔堅嘗為太子文學今此誌題太子文  
學顏叔堅書豈非以字行乎家廟碑又稱叔堅受筆

法於舅殷仲容氏特以草隸擅名云

金石錄

騎都尉劉君墓誌

正書無書撰人姓名景龍三年十月

金石錄

長安縣丞蕭思亮墓誌

顧惟貞撰正書景雲二年

金石文  
字記

玄通居士張萬迪墓誌

崔湜撰正書無姓名太極元年十二月

金石錄

琅琊王冲墓誌

正書無書撰人姓名開元六年正月

金石錄

右唐琅琊王冲墓誌冲越王貞子也中宗遷房陵貞  
與冲謀反正舉兵未幾父子皆敗開元六年始詔陪  
葬昭陵武后革命毒流海內而唐之宗室被禍尤甚  
冲父子特畏誅翦故舉兵耳非有他謀也倉卒無援

卒就夷滅哀哉

金石錄

高士楊府君墓誌

行書無書撰人姓名開元八年九月

金石錄

侍御史王瑜墓誌

八分書無書撰人姓名開元九年十月

金石錄

鎮軍將軍吳文墓誌

開元九年興福寺僧大雅集王右軍書明萬歷末浚  
西安城濠得之俗謂之半截碑其文有曰夫人李氏  
圓姿替月潤臉呈花唐人寫狀婦容云爾猶有碩人

詩意今人以為嫌不肯作此語矣

金石文字記

瀘州刺史康元辨墓誌

王羨門撰子晉書開元十二年

京兆金石錄

合州刺史上官濟墓誌

正書無書撰人姓名開元十五年正月

金石錄

濟源令蕭公墓誌

權澂撰正書無姓名開元十五年二月

金石錄

秘書監王詢墓誌

韓休撰馬極書開元十六年

京兆金石錄

薛王府典軍李無慮墓誌

賈彥璿撰正書無姓名開元十七年正月

金石錄



宣義郎王已墓誌

張九齡撰崔庭玉行書開元二十一年

京兆金石錄

相州刺史侯莫陳涉墓誌

鄭同昇撰盧自勸正書開元二十三年十一月

金石錄

穎王府司馬蕭擢墓誌

正書無書撰人姓名開元二十四年十月

金石錄

江州刺史戴希謙墓誌

從子休璇撰次子嶸八分書開元二十六年又十一

月金  
錄石

忠武將軍王暎墓誌

行書無書撰人姓名開元二十七年十月

太原尹王冰墓誌

崔宗之撰并行書開元二十七年十月

金  
錄石

將軍慕容嘉勗墓誌

馮璠撰正書無姓名開元二十八年二月

金  
錄石

嘉州刺史高君墓誌

貞半干撰子謙書開元中刻

京兆金  
石錄

左武衛大將軍杜元恭墓誌

姪昆吾撰天寶五年

京兆金  
石錄

青城縣令曹琳墓誌

張漸撰陳續正書天寶六年

京兆金  
石錄

棟王墓誌

王齊同撰韓擇木八分書天寶十年二月

金  
石錄

京兆尹王鉞墓誌

常袞撰史惟則八分書天寶十年

京兆金石錄

處子瑗墓誌

行書無書撰人姓名天寶十一年十一月

金石錄

廬江郡司馬劉踐言墓誌

許益撰韓之行書天寶十二年

京兆金石錄

總管道國公周法明墓誌

至德中在黃州

金石略

沈府君墓誌

乾元元年韋卓撰并書

輿地  
碑目

贈鴻臚卿魯仲瑜墓誌

賴斐撰姚南仲行書乾元二年九月

金石  
錄

鄭陳節度使彭元曜碑

李潮撰并八分書乾元二年十一月

金石  
錄

元吾邱衍謂李陽冰即杜甫之甥名潮取海賦陽冰  
不治之義為字既以字行乃別字少温楊用修嘗辨  
其非按陽冰趙郡人太白從叔其字少温見於宣和

書譜與其名相應若名潮而以陽水少温為字於義  
皆無取且陽水工篆書潮工八分觀趙氏金石錄載  
城隍神祠記忘歸臺銘孔子廟記先塋碑三墳記等  
為李陽水篆書而慧義寺彌勒像碑彭元曜墓誌為  
李潮書則其非一人明矣

金石文  
字記

宣州博士沈縉墓誌

韋貞撰正書無名乾元二年十一月五日祔于東王

山在武康縣

復齊  
碑錄

處士沈元期墓誌

正書無名乾元二年夫人吳興邱氏合葬祔於嘉興

西五十七里車口村之舊里

復齊碑錄

雍王友褚遂賢墓誌

孟利貞撰上元三年

京兆金石錄

贈中書侍郎蕭華墓誌

盧光遠撰杜鴻漸正書寶應元年

京兆金石錄

承天皇帝子新平王儼墓誌

常袞撰永泰元年

京兆金  
石錄

贈代州都督辛浩墓誌

成朝秀撰韓秀實八分書大曆元年

京兆金  
石錄

富平尉顏喬卿墓碣

弟真卿撰并正書大曆四年四月

金石錄

右唐顏喬卿碣在長安世頗罕傳或云其石今亡矣  
有朝士劉繹如者汶陽人家藏漢唐石刻四百卷以  
余集錄缺此碣也輟以見贈宣和癸卯中秋在東萊



重易裝標因識之

錄金石

左僕射裴冕墓誌

程浩撰并正書大歷五年二月

錄金石

史惟則篆額

復齊碑錄

贈太尉衛國文憲公杜鴻漸墓誌

楊炎撰徐浩正書大歷五年

京兆金石錄

玄宗子贈太傅信王程墓誌

常袞撰張少悌正書大歷九年

京兆金石錄

梓州杜濟墓誌

刑部尚書顏真卿撰字畫亦類真卿而不著名濟字  
應物京兆杜陵人官至梓州刺史碑以大厯十二年

十一月立

集古錄目

杜濟墓誌銘但云顏真卿撰而不云書然其筆法非  
魯公不能為也蓋世頗以為非顏氏書更俟識者辨

之

集古錄

余觀此誌字畫奇偉決非他人可到歐陽公信小字

麻姑壇記以為真蹟而尚疑此誌何哉

金石錄

汝州刺史蕭淑墓誌

裴郁撰吳通微行書大曆十二年

京兆金石錄

右神武將軍史繼先墓誌

徐浩撰并行書建中元年八月

金石錄

右唐史繼先墓誌徐浩撰云公諱繼先字繼先夏后氏之苗裔殷時遷於北土曾祖牟雨可汗祖墨啜可汗諱瓌父墨特勒諱逾輪肇歸王化封右賢王又云

繼先玄宗時為左金吾衛大將軍酒泉郡太守河西  
節度副使肅宗時初知神武軍賜姓史氏其後為右  
神武將軍封穎國公卒於建中元年按唐書突厥傳  
載墨噉子孫事甚畧粗可見者云命墨噉子左賢  
王墨特勒毗伽可汗其歸朝及繼先賜姓等事史皆  
無之又史云墨噉而墓誌作墨史云墨特勒為左賢  
而墓誌作右賢王皆當以墓誌為據元和姓纂紀史  
氏亦不載繼先名姓故詳錄之以裨唐史及姓纂之

闕漏云

金石錄

給事中劉迥墓誌

梁肅撰建中元年

京兆金石錄

元魯山墓碣

李華撰顏真卿正書李陽冰篆建中四年秋

金石錄

監察御史李華撰太子太師顏真卿書集賢院學士

李陽冰篆額魯山名德秀字紫芝嘗為魯山令以建

中四年立

集古錄目

康日知墓銘

李紓撰李彛正書貞元五年十二月錄金石

穎州別駕王初墓誌

河南主簿馬幼昌撰通王府諮議陰冬曦書初字泰

初新豐人官至穎州別駕碑以貞元八年立錄集古

蜀州錄事叅軍韋徵墓誌

弟曾撰貞元九年訪碑錄

兵部郎中韋暄碑

宇文邈撰正書無姓名貞元十一年二月

錄金石

温州安固令王懷瓚墓誌

正書無書撰人姓名貞元十三年十一月甲申寔於

郡城

後齊碑錄

馬實墓誌

歐陽詹撰正書無姓名貞元十四年

錄金石

馬實墓誌銘唐歐陽詹撰并書其文辭不工而字法

不俗故錄之實之事無足紀也

錄集古

詹之文為韓退之所稱遂傳於世然其不幸早死故其傳者不多刻石之文祇有此與福州佛記耳尤可

惜也

全上

張隣府君墓誌

韓勵躬撰正書無名氏貞元十四年十一月在建德

縣

復齊碑錄

靳英希墓誌

貞元十六年張遇撰并行書

金石表



贈太保裴郃墓誌

辛秘書貞元十八年

京兆金  
石錄

贈工部尚書李彙墓誌

沈亞之撰南卓書貞元十八年立在華原

京兆金  
石錄

黃州長史楊公墓誌

孫招撰荀穎正書貞元十九年八月

金石錄

大理司直贈太師蕭恪墓誌

呂溫撰貞元二十年

京兆金  
石錄

鉅鹿時侯墓誌銘

貞元二十一年四月劉通明撰行書其文曰  
葬薊縣

燕夏鄉海王村之南鄉近出之土中

金石文  
字記

處士李巖墓誌

無書撰人姓名元和元年十二月在秀州

復齋  
碑錄

代宗子僖王墓誌

鄭德玄撰孫藏器正書元和二年

京兆金  
石錄

國子助教薛公達墓誌

韓愈撰正書無姓名元和四年又三月

金石錄

右唐薛公達墓誌韓退之撰以昌黎集本校之頗不同皆當以石本為是今畧舉數處集本云曾祖曰希莊父曰播而闕其祖石本乃云祖曰元揮果州流溪縣丞贈左散騎常侍集本云君執弓腰二矢挾一矢以興而石本作措一矢以興集本云遺言曰以公儀之子為已後而石本作公儀之子已已後我蓋其小字也如此類甚眾畧舉數處要知石刻可貴爾

金石錄

同州刺史顏防墓誌

胡証撰并書元和四年

京兆金  
石錄

左僕射魏國元靖公賈耽墓誌

權德輿撰鄭餘慶書元和四年

京兆金  
石錄

江西觀察使韋丹墓誌

韓愈撰元和五年

京兆金  
石錄

集賢校理昭應縣尉石洪墓誌

韓愈撰元和六年

京兆金  
石錄

開府儀同三司張庭芝墓誌

邵居敬撰元和七年

京兆金石錄

內侍李輔光墓誌

元和十年崔元略撰門吏晉州司法叅軍巨雅正書

金石文字記

巨雅正書清勁有聖教遺意葬在咸陽東北近涇萬  
歷中涇岸崩擁水不流三日乃得茲石其銘曰水竭

原遷斯文乃傳適符其事可謂奇矣

石墨鐫筆

文稱門吏此輔光為河中監軍所除唐時士人而出於內侍之門者蓋不少矣輔光少選入內而有夫人

輔氏子四人

金石文  
字記

太府寺丞李泳墓誌

令狐楚撰段企緯行書元和十二年十一月

金石錄

刺史柳宗元墓誌

韓愈撰沈傳師正書元和十五年

京兆金  
石錄

李干墓誌

唐太學博士李干誌河南李仲微得其碑以傳然其  
文自見昌黎集中惟碑少見故仲微貴之其書李翱  
亦可藏也志曰字子漸集無此又以柳賁為泌與集  
本異者唐憲宗紀自作柳泌知李道古誌與此皆誤  
此誌甚罪干以丹砂受賁之術以死且以為世戒也  
又叙歸登食水銀火射竅節以出李虛中服硫黃致  
疽發於背李遜且死始知藥誤孟簡自以得不死藥  
二年卒盧垣溺出血肉李道古亦以柳泌藥死海上

觀其說者自令聳懼震恐可終身守之且世亦知尊  
生矣其壽宜不死卒以得死雖甚暗庸不此為也或  
傳退之晚歲頗嗜硫黃卒以此死白居易曰退之服  
硫黃一病竟不痊居易言可信也立論以戒世求世  
必信公乃自蹈於此何哉余意以氣血既耗不得如  
向之時方幸扶衰救疾以冀朝夕近功不知其患已

如干也可以一歎哉

廣川書跋

孔戣墓誌



孔幾墓誌稱幾平生節操有古人風使作者無愧詞亦使人知以銘誌為貴也攷廣德王碑其叙亦備矣當幾為華州刺史秦江淮進海味道路擾人憲宗以其言忠詔除嶺南節度其治見於嶺表者韓愈盡道之獨不及華州事則誌不得而具者其序當然也嘗見隋煬帝時責貢四方而海錯出尤盡當時如鮓魚蝦子含肚鱸魚乾膾密擁劔桂蠹鯉腴動輒千品勞人殄物至江淮絕魚雖欲不亡其可得耶或曰使得

其臣如戮輩在左右當無此患是不然諫幸江都如  
任建宗即日朝堂探殺之矣然則人臣進諫亦會逢  
其時爾非憲宗之明其說果得行乎

廣川  
書跋

宮苑閑廢使駙馬都尉郭銛墓誌

沈亞之撰沈傳師正書長慶二年

京兆金  
石錄

相里友諒墓誌

撰人名缺王玄弼正書長慶四年十一月

金石錄

李祐墓誌

庾敬休撰王元悔八分書大和三年十一月

金石錄

右唐李祐墓誌庾敬休撰新唐書祐列傳云祐為夏  
綏銀節度使徙涇原討李同捷也改滄德景節度累  
檢校尚書左僕射董仲質之貶未幾轉太子少詹事  
隸武寧軍遷左神武將軍累擢左右神策行營劍南  
西川節度使後復云歷帥夏綏銀終右龍武統軍贈  
尚書右僕射其所書首尾顛倒今以墓誌考之祐以  
平蔡功超授左神武將軍從徐州李愬平李師道遷

左金吾衛將軍帥綏銀夏遷戶部尚書兼左金吾衛  
大將軍遂為齊德滄景等州節度使以卒其所歷官  
止此矣蓋未嘗為少詹事帥涇原領劍南節度制也  
不知史何所據又誌云卒於滄景而傳言終龍武統  
軍誌云贈司徒而傳言贈僕射亦當以誌為是祐之  
為吳元濟將也據李愬傳言吳秀琳之降為愬策曰  
必破賊非李祐不可祐賊健將也守興橋柵其戰常  
易官軍愬候祐獲於野遣史用誠以壯騎三百俟其

旁祐果輕出遂為所擒今誌乃言祐潛布欵誠於愬  
曰某以某日歸命其就執也願得傷一支以為解不  
然妻子之在賊城無遺類矣愬許之洎至唐州同執  
者十二人命斬於牙門外次至祐大叫謂愬曰公背  
初約耶今淮蔡未平不宜誅壯士愬乃釋之自取藥  
封其臂分衣服飲食與語終日即署為都知兵馬使  
二說不同未知孰是也

金石錄

### 杜義墓誌

沙門缺義述大和三年四月二十四日葬

復齋碑錄

太尉王播墓誌

牛僧孺撰柳公權正書大和四年四月

金石錄

柳書名重天下當時大臣墓誌非其筆則人以子孫  
為不孝今世稱柳書小字必曰王播墓誌播以金錢  
附離致位宰相公權少其為人嘗對延英發其傾邪  
闕通狀矣而復為播書碑豈迫於內缺甥之情邪

集古

錄

將作監韋文恪墓誌

庾敬休撰柳公權正書大和五年二月

金石錄

殿中侍御史韋翊墓誌

劉禹錫撰裴休正書大和五年

金石錄

右唐韋翊墓誌劉禹錫撰世所傳禹錫文集無此誌  
蓋禹錫集本四十卷今亡其十卷墓誌皆闕非獨此  
一篇也翊有子詢仕為湖南觀察使舊史有傳新史  
無之墓誌云翊父幼卿而傳作召卿墓誌云翊官終

殿中侍御史而傳作侍御史皆非也

金石錄

游擊將軍許給墓誌

張漢夫撰并書大和六年

京兆金石錄

散騎常侍張晉墓誌

馮宿撰正書無名大和七年

金石錄

沈傳師墓誌

權璩撰姪克章正書大和九年

金石錄

越州都督戶曹參軍齊君墓誌



樂安蔣憬撰無書人姓名開成三年正月終四月寔

於會稽玉笥山之南原

復齋碑錄

涇州節度朱叔夜墓誌

從姪景玄撰并正書開成四年

京兆金石錄

內侍省郗士榮墓誌

嚴厚本撰朱玘行書會昌三年

京兆金石錄

戶部郎中裴纘墓誌

韋綜撰李景章正書并篆額會昌三年

京兆金石錄

處士鍾離府君墓誌

吳郡沈鄴正書會昌三年十二月立在餘杭

復齊碑錄

蔚州刺史馬紆墓誌

楊儵撰正書無姓名會昌四年七月

金石錄

贈開府儀同三司田紹宗墓誌

呂讓撰侯湘行書毛伯貞篆額大中元年刻

京兆金石錄

宥州刺史李弘本墓誌

杜秘撰張行周正書大中元年

京兆金石錄

贈太尉牛僧孺墓誌

杜牧撰柳公權書大中四年

京兆金石錄

醉吟先生傳并墓誌

傳白居易自撰碑李商隱撰譚邠正書大中五年四

月

金石錄

右唐醉吟先生傳并墓誌舊唐史云居易以大中元年卒年七十五而新史云卒於會昌六年年六十五今碑所書與新史合又舊史書居易拜官歲月亦多

差謬不合小失不足道故不錄

金石錄

刑部尚書庾承憲墓誌

第四男道滋撰長男存讓書大中六年

京兆金石錄

贈工部尚書韓泉墓誌

姪鉤撰大中十年

京兆金石錄

陸文正墓誌

長男肱撰并正書大中十一年三月

復齊碑錄

雅王府功曹殷繇墓誌

弟紹業撰并正書繇字舜臣大中十三年十二月葬

在宜興

復齊碑錄

郭寧墓誌

孫因餘撰能遂書大中中立

復齊碑錄

平察微墓誌

咸通三年八月窆於陶朱鄉赤山之崗

諸道石刻錄

瑯琊王子琚墓誌

李修撰陳邳行書咸通三年十一月立在上虞

復齊碑錄

國子助教溫庭筠墓誌

弟庭皓撰咸通七年

京兆金  
石錄

華中允墓誌

碑石磨滅書撰人及中允名皆亡咸通八年刻

集古  
錄目

兵部尚書王承業墓誌

鄭言撰柳仲言正書咸通十年二月

金石  
錄

雲麾將軍宋戎墓誌

從孫程撰劉虔古書咸通十年八月

復齋  
碑錄

彭城劉府君墓誌

楊珪撰咸通十年立在諸暨

復齊碑錄

魏罔府君墓誌

陳子蘊撰正書無姓名咸通十一年十一月刻

復齊碑錄

右司郎中裴墀墓誌

姪質撰咸通十二年

京兆金石錄

贈尚書右僕射曹汾墓誌

李郁撰咸通十五年

京兆金石錄

奉禮郎戴府君墓誌

正書小字分書額懿宗時立在漂陽

復齊碑錄

蔡州新蔡令蕭澤墓誌

男璿行書中和元年

京北金石錄

侯官令魏公墓誌

表缺述中和元年

復齊碑錄

車府君墓誌

天成軍都虞候淮南押衙車府君誌光啟元年十二



月二十八日立無書撰人姓名

復齋  
碑錄

贈禮部尚書蕭廩墓誌

鄭璘撰文德元年

復齋  
碑錄

浙東都團練董翊墓誌

魯郡祝知微撰正書無姓名翊字正臣乾符四年終

在山陰

復齋  
碑錄

贈太尉中書令貞孝公蕭倣墓誌

令狐綯撰王鐸書乾符五年

京兆  
金石錄

劉光俊墓誌

高肅撰無書者姓名光俊無殊績可稱肅文亦卑冗  
書行草習聖教如不能縛雞人學扛鼎以唐物故錄

之

石墨  
鐫華

補

潤州當塗令董智奐墓誌

諱智奐字希保隴西狄道人顯慶三年二月寔於舊

塋

復齋  
碑錄

澤府主簿梁府君墓誌

垂拱四年四品孫義陽朱賓撰五品孫滎陽鄭莊正

書近出終南椶梓谷土中

金石文  
字記

胡元絢墓誌

不著書撰人姓氏元絢字子實涇州安定人官至雅

州嚴道縣令以神龍元年立

集古  
錄目

補忠武將軍王暕墓誌

右唐王暕墓誌云父遂古皇駙馬都尉潁州刺史尚

高安公主高宗大帝之女也按唐書高宗第二女高安公主下嫁潁州刺史王勗天授中勗為武后所誅今此誌乃云名遂古唐初人多以字為名故名字混

淆難考遂古非以字行乎

金石錄

補棣王墓志

右唐棣王墓誌按唐史琰坐厭魅囚於鷹狗坊以憂卒而墓誌云終於咸寧縣興寧里十六王之藩邸史云寶應元年詔復琰王爵而誌云存王削官蓋琰初

未嘗奪王爵疑寶應詔書特還其官爵爾

金石錄

補

康日知墓誌

右唐康日知墓誌李紆撰唐書日知傳云祖植開元中為左武威大將軍而誌云祖諱石生傳云日知終晉絳節度使而誌云卒於左威衛上將軍傳云累加檢校尚書左僕射贈太子太師而誌云為兵部尚書其卒乃贈僕射紆與日知同時人墓誌斯書宜其得

寶也

金石錄

有錄無說及無建立年月書撰姓名者

岐國安簡公杜佑墓誌

權德輿撰沈傳師正書

京北金石

錄

狄道人墓誌

虞世南書

金石略

富平尉韋器墓誌

吳通微書西京

金石略

鄧元政墓誌

毛伯政書

墨池編

張德墓誌

在洛州永平

墨池編

元畏墓誌

無書撰人名氏

墨池編

弘農楊府君墓誌

篆書今在龍巖寺

天下金石志

閬州武陵縣令程府君墓誌

貞元十一年

輿地碑目

寧遠將軍李公墓銘

貞元十三年

輿地碑目

扶風馬氏墓銘

元和七年

輿地碑目

湖州刺史凌準墓誌

在新城縣柳宗元文

輿地碑目

馮府君綸墓誌

大和七年在鄂州

輿地碑目

處士韞墓銘

開成三年

輿地碑目

鄧先生墓誌銘

鄭畋撰

建昌軍圖經

六藝之一錄卷七十三



欽定四庫全書

六藝之一錄卷七十四

錢唐倪濤撰

石刻文字五十

唐碑

宮闈

長廣長公主墓誌

正書無書撰人姓名貞觀二十三年正月

金石錄

房仁裕母李夫人碑

八分書無書撰人姓名永徽三年二月

金石錄

光化縣主墓誌

正書無書撰人姓名永徽三年三月

金石錄

蘭陵長公主碑

李義府撰正書無姓名顯慶四年十月

金石錄

吏部尚書兼知中書門下事李義府撰慶州刺史駙

馬都尉竇懷哲書公主名淑字麗真太宗之第十九

女碑以顯慶四年十月立在百城寺中

集古錄目

右唐蘭陵長公主碑李義府撰據唐書列傳公主太

宗第十二女而碑云第十九女蓋傳誤也

錄金石

涼國太夫人郁久閭氏碑

許敬宗撰殷仲容八分書顯慶四年十月

錄金石

清河公主碑

李儼撰暢整正書麟德元年十月

錄金石

右唐清河公主碑公主太宗女也碑云下嫁程知節之子處亮知節碑及唐史知節列傳元和姓纂所載皆同惟公主列傳作懷亮非是唐史一書而首尾自

相乖戾者甚衆非特此也

金石錄

紀國先妃陸氏碑

正書無書撰人姓名乾封元年十二月

金石錄

鄭國夫人武氏碑

李安期撰殷仲容八分書乾封三年二月

金石錄

司列少常伯李安期撰前戎衛兵曹叅軍殷仲容八分書夫人名順字缺則大原受陽人武后之妹司衛卿賀蘭安石之妻封韓國夫人追贈鄭國碑以乾封

三年立

集古錄目

陽翟侯夫人陸氏墓誌

周思茂撰正書無姓名開耀二年正月

金石錄

右唐陽翟侯夫人陸氏墓誌陽翟侯者褚遂賢也元和姓纂及唐書宰相世系表載遂賢一子兼藝為永州司功今此誌云二子兼善兼愛而無兼藝兼善兼愛二子姓纂唐史漏落容有之惟兼藝墓誌不書者

何也豈非唐表誤乎

金石錄

太常卿裴君妻韋氏墓誌

正書無書撰人姓名咸亨四年七月

金石錄

歐陽詢夫人徐氏墓誌

鄧玄廷撰子通正書武后文明元年二月

金石錄

右唐歐陽詢妻徐氏墓誌云徐始以夫恩封渤海縣君尋加渤海郡夫人最後以子恩封渤海太縣君按本朝之制婦人既封郡君或郡夫人再以子貴加恩則直封為郡太君郡太夫人不復為縣太君矣今徐

既以夫貴封夫人後以子恩纔封為太縣君蓋一時之制如此又不曰縣太君而曰太縣君與今名號亦異也唐世婦人封邑次叙史家不載偶見於此志耳

金石錄

魏叔瑜夫人王氏墓誌

無撰人姓名子華正書神龍三年十一月

金石錄

右唐王夫人墓誌夫人魏叔瑜妻華之母也誌無書撰人姓名驗其筆法蓋華自書華以草隸擅名一時

然石刻見於今者絕少此誌世尤罕傳云

金石錄

韋公夫人王氏墓誌

正書無書撰人姓名開元二年十二月

金石錄

尹孝子妻韋夫人墓誌

正書無書撰人姓名開元二年十二月

金石錄

陳延喜妻穆氏墓誌

齊望之撰蕭元皎正書開元六年正月

金石錄

鄭國夫人鄭氏碑



崔日用撰徐嶠之正書開元六年十月

金石錄

寧州司馬閻公夫人武倩墓誌

無書撰人名氏開元六年

京兆金石錄

諫議大夫李公妻焦夫人墓誌

王勃撰并書開元中立

京兆金石錄

涼國長公主碑

蘇頲撰明皇八分書開元十二年八月

金石錄  
詳見御製

汝陽王長女墓誌

寧王撰崔庭玉行書開元十九年六月

金石錄

右唐汝陽王長女墓誌寧王撰唐史及諸書汝陽王名皆為璉而此誌獨作淳誌寧王自作不應差謬按寧王諸子與玄宗子名皆從玉疑汝陽王先名淳後改為璉唐史不載耳玄宗諸子初名從水後改從玉

金石錄

代國長公主碑

鄭萬鈞撰并行書開元二十二年十二月

金石錄

右唐代國長公主碑云公主睿宗第四女也新舊史

以為第五女蓋史誤碑云公主壻鄭萬鈞撰

金石錄

代國長公主睿宗第四女也名華字花婉以開元廿二年六月廿九日薨下嫁鄭萬鈞碑稱蒲櫜奕基盡得微妙瑩篔阮咸隔簾隨手有若天授雖述其心靈聰敏實乖詩人無非無儀唐主多驕恣罔終良有以也碑字極得褚河南楷法因見唐代宏文之治源本

流發非如今世杜撰也

金石史

扶陽郡太常韋夫人碑

韓休撰八分書姓名殘缺開元二十五年四月

金石錄

襄陽縣主武氏墓誌

開元二十六年不著書撰人名姓

京兆金石錄

長孫君夫人李氏墓誌

正書無書撰人姓名開元二十七年八月

金石錄

高安長公主碑

蘇頲撰蘇誥隸書開元中立

一云五年京兆金石錄

裴夫人誌

天寶四年裴夫人誌辭翰瀟灑固多清思惜乎不見  
其名氏石在長安之萬年矮槐文亦佳在亳州法相  
寺二者皆後得故續附於此

六一  
題跋

河東郡君裴夫人誌不著書撰人名氏左衛中郎將

李從一之妻封河東郡君碑以天寶四年立

集古  
錄目

康公夫人許氏墓誌

王壽撰褚庭誨正書天寶五載五月立

復齋  
碑錄

薛氏追贈夫人碑

房琯撰王曾八分書天寶六年二月

金石錄

清河郡太夫人張氏墓誌

天寶九載索元愛撰男林有鑒楷書今在咸陽縣

金石

文字記

滎陽王妣朱氏墓誌

梁孝偉撰韓擇木正書天寶十一年七月

金石錄

右唐朱氏墓誌韓擇木書擇木以八分名家石刻存

者尚多而此誌獨為正書筆法清勁可愛擇木正書

見於世者惟此耳

錄金石

鉅鹿郡夫人魏氏墓誌

李楨撰薛邕八分書天寶十一年九月

錄金石

東光縣主碑

李華撰徐浩八分書天寶十一年又三月

錄金石

杜夫人碑

翟頤撰徐浩正書天寶十一年十月

錄金石

長孫公崔夫人墓誌

行書無書撰人姓名天寶十二年八月

金石錄

玉真公主墓誌

王縉撰姪祭行書至德元年建巳月十二日葬萬年

縣寧安里鳳栖原

復齋碑錄

王縉撰姪祭書元年建巳月

金石錄

右唐玉真公主墓誌王縉撰誌云公主法號無上真字玄玄天寶中更賜號曰持盈而唐史但言字持盈



爾誌又云中宗時封昌興縣主睿宗時昌興公主後  
改封玉真進為長公主唐史但云封崇昌縣主而以  
崇昌為昌興者皆其缺誤誌又云元年建辰月卒而  
史以為卒於寶應中亦非也此於史學皆至淺末不  
足道然著之要見唐史多謬誤耳

金石錄

贈婕妤河內董氏墓誌

常袞撰至德元年

京兆金石錄

贈常侍徐君妻魯郡太夫人高氏誌

從姪徐繼初撰從姪徐奎行書上元十四年立

京兆金石

錄

顏氏妻孫夫人墓誌

孟利貞撰上元中立

京兆金石錄

楊思勗妻號國夫人南宮氏碑

陶翰撰子楚玉行書大曆五年

京兆金石錄

滎陽鄭氏墓誌

李益撰大曆六年

京兆金石錄

郭子儀夫人李氏碑

韓雲卿撰史惟則八分書并篆額大曆六年五月

金石

錄

右唐涼國夫人李氏碑李郭子儀夫人也碑韓雲卿撰史惟則八分書并篆額文詞頗簡古而字畫工妙可喜或云碑今亡矣故世罕傳雲卿乃退之叔父科

斗書後記所謂大曆中以文詞獨行中朝者

金石錄

章仇公夫人魏氏墓誌

李楨撰薛邕八分書大曆十一年九月

金石錄

肅宗女和政公主碑

顏真卿撰吳通微行書大曆十一年

京兆金石錄

霍國夫人王氏碑

中書侍郎平章事楊綰撰右散騎常侍蕭昕書夫人

姓王氏郭子儀之妻碑以大曆十三年立

集古錄目

玄宗賢妃盧氏墓誌

顏真卿撰吳通微書大曆中立

京兆金石錄

扶陽郡君韋氏墓誌

杜黃裳撰正書無姓名建中四年二月

金石錄

贈秘書監蕭晉妻陸氏墓誌

李冑撰興元元年

京兆金石錄

咸宜公主碑

鄜坊節度掌書記武元衡撰蘇州常熟縣令袁中孚書將作少監集賢院學士李陽冰篆額公主玄宗之

第十八女降秘書監崔嵩碑以興元元年立

集古錄目

穎川郡夫人陳氏墓志

張奢撰韓秀弼八分書貞元八年

京兆金  
石錄

杜府君夫人韋氏墓誌

貞元十年李宣撰姪成均行書

金石文  
字記

常州司倉陳玄志妻張淑墓誌

韋涇撰并正書元和四年

京兆金  
石錄

元稹妻韋氏墓誌

韓愈撰沈傳師正書元和四年

諸道石  
刻錄

昭懿公主碑

諫議大夫孟簡撰權知吏部郎中皇甫鏗書公主代  
宗之女諱昇平字昇平出嫁左散騎常侍郭曖號昇  
平大長公主追贈號國謚曰昭懿碑以元和四年立

集古  
錄目

元和中孟簡撰皇甫鏗書公主代宗女也號昇平公  
主嫁郭氏公主之號自漢始有謂天子之女禮不自  
主婚集本  
作昏以公主之因以為名爾後世號某國公主

者雖實不以國公為主而名猶不失其義唐世始別  
擇姓名以加之如昇平之類是也已失其本義矣今  
此碑乃云諱昇平公主斯莫可曉也已

集古  
錄

高崇文妻楚國夫人陳氏碑

段文昌撰張肅書段全緯篆額元和十二年

京兆金  
石錄

衛州刺史李公妻馬氏墓誌

元和十三年無書撰人姓名

京兆金  
石錄

東莞臧君夫人周氏墓誌



張師素撰無書人名氏元和十三年三月立在義興

復齋  
碑錄

段文昌妻武氏墓誌

段文昌撰男斯立正書元和十四年

京兆金石錄

潁州庾府君夫人徐氏墓誌

在泰州務本坊乾道六年得石乃唐元和十一年刻

輿地  
碑目

監察御史王叔雅妻薛瓌墓誌

薛公幹撰長慶三年

京兆金  
石錄

絳州刺史李君夫人京兆杜氏墓誌

從弟宣猷撰大和五年葬於襄陽後記李公諱齊用

大和九年卒祔於夫人塋孫亞夫記

復齊  
碑錄

安公令嬪吳夫人墓誌

處士胡季良述并書大和九年五月

復齊  
碑錄

循州司馬杜元穎妻裴氏墓誌

婿韋慤撰并正書開成三年

京兆金  
石錄

憲宗女莊淑大長公主碑

杜牧撰柳公權正書開成四年

京兆金石錄

德宗女憲穆公主碑

柳公權正書開成五年

京兆金石錄

蘇夫人墓誌

柳公權書蘇夫人墓誌近世注杜詩者數十家無一字一義可取蓋欲注杜詩須去少陵地位不大遠乃可下語不然則勿注可也今諸家徒欲以口耳之學

揣摩得之可乎書家以鍾王為宗亦須升鍾王之堂  
乃可置論耳爾來書法中絕求柳誠懸輩尚不可得  
書其可遽論哉然予為此言非獨觸人亦不善自為  
地矣覽者當粲然一笑也嘉定元年四月己酉陸游

書

渭南集

沛郡朱夫人墓誌

處士丁厚之撰正書無姓名大中九年九月

復齋碑錄

范處士妻蔡氏墓誌

鄉貢進士李矩撰大中二年

諸道石  
刻錄

平盧節度孫公妻滎陽郡君鄭氏墓誌

任繕撰大中四年

京兆金  
石錄

贈太子少保胡洙妻曹氏墓誌

王自牧撰殷玄珪正書大中十年

京兆金  
石錄

順宗女濮陽長公主碑

柳公權撰并正書大中九年

京兆金  
石錄

宣宗女齊國恭懷公主碑

董景仁書毛伯貞篆額大中九年

京兆金石錄

鄭恒夫人崔氏墓誌銘

大中十二年十二月秦貫撰正書此即今世所傳崔鶯鶯者也年七十六有子六人與鄭合葬此銘得之魏縣土中足辨會真記之誣而志墓之功於是為不

細矣

金石文字記

處士馮湍妻金夫人墓誌

無書撰姓名大中十二年十二月

復齊碑錄

楊滌妻張氏墓誌

滌自撰并正書行書銘大中十三年五月

金石錄

唐姚華妻蔣夫人墓誌

無書撰姓名大中十四年九月

後齊碑錄

沈公夫人馮氏墓誌

前天平軍節度副使羅洙撰前左威衛兵曹參軍李

昌辭書夫人姓馮氏名靖冀州長樂人適吏部侍郎

沈傳師又以其子詢故封至齊國太夫人碑以咸通

九年立

集古錄目

懿宗女衛國文懿公主碑

金石錄作同昌公主

韋保衡撰柳仲年正書并篆額咸通十二年二月

集古

目錄

浙東觀察判官裴墀妻蕭煥墓誌

裴墀撰咸通十二年

京兆金石錄

武寧軍書記王戩妻李氏墓誌

王戩撰并正書乾符三年

京兆金石錄



胡夫人墓志

天復三年京兆于景休撰并書

輿地  
碑目

安定胡應夫人清河張氏墓誌

于景休撰行書天復四年正月

復齊  
碑錄

補

溧陽貞義女碑

李白撰無書人姓名在溧陽縣

天下  
金石志

饒娥碑

饒娥字瓊真饒州樂平人生小家勤於織紝頗自修  
整父勸漁於江遇風濤舟覆屍不出娥年十四哭水  
上不食三日而死俄大震電水蟲多死父尸浮出鄉  
人異之歸贈具禮葬其父及娥鄱水之陰縣令魏仲  
光碣其墓建中初黜陟使鄭叔則表旌其閭河東柳

宗元為立碑云

唐書  
本傳

賀蘭夫人墓誌

兵部尚書陸贄撰據碑前書姪曾孫贄其下不完疑

亦贄所書也夫人河南人秘書監陸齊望之妻封榮

陽縣君碑以貞元七年立

集古錄目

右賀蘭夫人墓誌唐陸贄撰或云贄書也題云秘書  
監陸公夫人墓誌銘而贄自稱姪曾孫此石在常州

集古錄

有錄無說者

太夫人京兆杜氏碑 徐浩書西京

金石錄

岑夫人碑 顏真卿書吉州

金石略

彭城郡太夫人劉氏碑

徐嶠之書西京

金石略

宜城公主碑

在西安

天下金石志

董淑妻岑夫人墓誌

大厯中吉州

金石略

胡府君夫人朱氏墓誌

大和七年在鄂州

輿地碑目

姜夫人墓誌

開成三年在鄂州

輿地碑目

京兆阿史那夫人墓誌

會昌二年在紹興府

輿地碑目

杜夫人墓誌

光化二年在臨海縣

輿地碑目

六藝之一錄卷七十四

欽定四庫全書

六藝之一錄卷七十五

錢唐倪濤撰

石刻文字五十一

唐碑 雜碑

神劔碑

正書無書撰人姓名貞觀十七年十月

金石錄

招屈亭碑

龍朔中縣令蔡朝英重修刻石以紀其事

輿地碑目

劉里仁等造徘徊碑

行書無書撰人姓名永淳二年七月

金石錄

北平山碑

在彭山縣之北平山大書北平山治之碑餘不可讀

碑陰有大唐上元二年道士施仕衡等字

輿地碑目

孝昌公許君墓碑

安陸之東三十里乃唐許氏之塋域俗謂之相公林

舊有孝昌公碑高六七尺闊三尺餘白石也村民輒

異之或遇水旱則就禱焉治平中縣令張整言於太守周君燮且以為玉碑輦而視之非玉也棲鄉校之南廡已而有欲用者方磨去十餘字會鄭獬以內相還里卜葬遽止之得不盡滅其文字後余遊宦歸見其碑悉為人磨治惟其額大書大唐孝昌公許君墓碑九字甚恨無墨本以藏朱又叔乃出一本遺余所存者序四百字銘二百六十八字有曰公以儀鳳三年正月日薨於汾州之官舍按唐書許紹唐初為峽

州刺史封安陸郡公以破蕭銑功擢其子智仁為溫  
州刺史智仁初以勲封孝昌縣公紹卒繼守夷陵終  
涼州都督用是考之此碑乃智仁之墓碑也

王得臣  
塵史

清義何氏碑

在劔門縣光宅中建

與地  
碑目

溫湯碑

在梁縣西四十里聖歷三年正月則天駕幸有碑斷

折

案宇  
記



杳冥君碑

正書無書撰人姓名神功元年十月

金石錄

右唐杳冥君銘鳳閣舍人薛稷撰并正書此銘集古錄不載歐陽公蓋未之見也趙氏金石錄雖列其目而云無書撰人姓名則亦不知其為稷也銘文但云悠悠洛邑眇眇伊壘又云靈迹難訪莫知其狀則稷未嘗真知墓地蓋汎然而銘之耳後讀陳子昂集見其冥冥君墳記云皇帝因登維山望少室尋古靈

迹得王子晉之遺墟在永水之層曲欲開石室營壽  
宮庀徒方興得古歲焉內有甃瓦長二丈二尺闊八  
尺中有古劍一銅椀一瓦器二又有古五銖錢朱漆  
片及棖撥之應手灰滅即具物備容還定舊壙哀其  
銘誌磨滅姓位不顯乃錫之名曰冥冥君云觀子昂  
文則墳嘗發於武氏拵而錫之以名亦武氏也夫以  
殘酷不仁之人而能為此此固死者之幸但搜曰杳  
冥此曰冥冥蓋杳冥冥冥無二義也

久視中碑

元豐癸亥通道于廣西于溪旁得古碑乃唐久視中

碑

輿地  
碑目

東鎮沂山碑

房晉撰韓景陽八分書長安四年五月

金石  
錄

百門陂碑

長安四年辛怡諫文張元琮記孫去煩行書

金石  
表

娑羅樹碑

李邕撰并行書開元十一年十月

金石錄

娑羅樹碑是北海筆道逸豐美而不傷佻下當是合

作書也

奔州山人稿

今重刻在淮安府張弼曰一歸可門可門者倚門也

金石文  
字記

### 赤嶺碑

開元二十一年九月金城公主請樹碑於赤嶺定蕃  
漢界樹碑之日詔張守珪李行禕與吐蕃使莽布友

同往觀焉

舊唐書  
李高傳

封禪壇殘碑

陸堅八分書開元十四年

金石錄

彭思義建父至德碑

行書無姓名開元十四年

金石錄

重開梁公堰碑

趙居貞撰王象正書開元十五年二月

金石錄

養病坊碑

邵閏之撰韋季莊行書開元十七年七月

金石錄

長興縣興城碑

沙門逸文八分書無姓名開元二十三年十二月

金石錄

錄

八馬坊碑

却昂撰韋崇訓行書開元二十五年

金石錄

右唐八馬坊碑却昂撰開元之治盛矣監牧之制其

詳如此錄之可以見當時之制焉

金石錄

定進巖碑

嚴浚撰蔡有鄰八分書開元二十六年十月

金石錄

孝經雙石臺碑

楊諫撰劉景廉八分書開元二十七年十月

金石錄

延安縣幽室碑

王光遠撰于經野正書開元中立

金石錄

放生池碑

襄陽太守山南東道採訪使李愷撰字為八分不著

名氏愷以城下漢水為放生池立此銘不著年月集古

目錄

放生池石柱銘

不著書撰人名氏天寶十載李愷為襄陽太守父老  
李君秀等請以襄陽臨溪兩縣江水近城者為放生  
池止人漁釣立石柱於東西境上以旌表之因以君

秀等狀及州符刻於柱上

集古  
錄目

放生池唐世處處有之王者仁澤及於草木昆蟲使



一物必遂其生而不為私惠也惟天地生萬物所以資於人然代天而治物者常為之節使其足用而取之不過故物得遂其生而不夭三代之政如斯而已易大傳曰庖犧氏之王也能通神明之德以類萬物之情作結繩而為網罟以佃以漁蓋言其始教民取物資生而為萬世之利此所以為聖人也浮圖氏之說乃謂殺物者有罪而放生者得福苟如其言則庖犧氏遂為地下之罪人矣

集古錄

尚書省門碑

玄宗天寶十二載選人鄭懋等二十餘人以楊國忠

銓注無滯設齋於勤政樓下立碑於尚書省門

舊唐書本

紀

大蓬山碑

在良山縣秀立觀元祐中何彥國詩云誰向山陰漫  
刻鐫兩淋日灸隸文全依稀記得昇平事天寶猶題

十二年

與地碑目

蘇公甘井碑

在瀘州乾元中立

輿地  
碑目

靈源山碑

上元二年刻在北直隸保定府唐縣東北

古今碑  
刻記

楚王祭淮壇碑

在壽春縣北四十里永泰元年立

輿地  
碑目

呂府君勅葬碑

喻伯僑八分書大厯六年五月

金石  
錄

令狐公開河碑

元載撰徐浩行書并篆大曆八年正月

金石錄

中書侍郎平章事元載撰尚書吏部侍郎徐浩行書

并篆額先是河至酸棗瀕縣而東歲失河道尚書右

僕射霍國公令狐彰開之碑以大曆八年正月立

寶刻

叢編

書家貴在得筆意若拘于法者正似唐經生所傳者  
爾其於古人極地不復到也觀前人於書自有得於

天然者下手便見筆意其於工夫不至雖不害為佳  
致然不合於法者亦終不可語書也觀蘭亭樂教論  
便知逸少於法度備矣此皆已出後人摹勒以傳不  
能盡得當時下筆意至其合處猶度絕前輩備有書  
法可考則知書到古人地位自可以法度論也昔蔡  
邕受法于神人傳於崔瑗瑗傳之文姬文姬傳之鍾  
繇繇傳之衛夫人夫人傳之逸少自此而下各有師  
授逮于張旭其書分故蔡有鄰法為篆惟顏清臣徐

李海守舊法而真行盡合于古之作者至韋玩崔邈授其法而絕矣考其源流正如禪家宗風相承各有主也後人積學不及古人而授受又無傳嗣宜其不知古人筆意可勝歎耶開河碑元載文字李海書也書法該備而尤妙他石知其法度所從來遠矣

廣川書跋

沈氏述祖德碑并碑陰記

碑下一半缺不見書撰人名氏大歷八年十二月立

復齋  
碑錄

放生池碑

顏真卿撰并正書大歷九年正月

金石錄

昇州刺史浙西節度使顏真卿撰并書肅宗乾元二年使驍衛郎將史元琮詔天下自山南至浙西七道臨江置放生池八十一所真卿為天下放生池銘上

之碑以大歷九年正月立

集古錄目

湖州有顏魯公放生碑載其所上肅宗表云一日三朝大明天子之孝問安視膳不改家人之禮魯公知

肅宗有愧于是也故以此諫孰謂公區區於放生哉

東坡

集

顏太師以書自娛平生意好惟此不替晚年嘗載石  
以行磬而歲之遇事以書隨所在留其所鑄石監視  
而刻之自公之沒名德雖在人然世豈盡知惟書於  
石者人得見之故今獨以書名世或謂公以書傳流  
俗間至田人野老皆得名之甚至與書藝人並傳廣川

跋書



肅宗之放生煦煦小仁無足稱者當時池多至八十餘所而此碑獨以魯公詞翰而傳則夫天下之可恃者果在乎尊榮也哉公之書人皆知其為可貴至於正而不拘莊而不險從容法度之中而有閑雅自得之趣非知書者不能識之要非言語所能喻也

遜志  
齋集

### 放生池碑陰記

右唐放生池碑陰記唐自天寶以後紀綱廢壞職官之濫不可勝載此記具列當時僚屬名氏凡團練副

使別駕四人同團練副使一人長史三人司馬三人  
錄事參軍三人司功司倉司兵皆一人司法司戶皆  
三人司田司士皆二人參軍四人烏程縣令一人丞  
三人主簿一人尉四人長城縣令一人丞三人主簿  
一人尉五人安吉縣令一人攝令一人丞二人主簿  
尉六人武康縣令二人丞三人主簿二人尉四人德  
清縣令一人丞二人主簿一人尉三人一郡而吏員  
猥多如此然史不能盡記故詳錄之於此焉

金石錄

乞御書放生池碑額表碑

表顏真卿書批答唐肅宗御書表以上元元年上真

卿時為刑部尚書碑以大歷九年立

集古錄目

乞御書放生池碑額表碑陰記

顏真卿撰并書初肅宗既許書額未及下而真卿貶

碑不果立至大歷中為湖州刺史始追建于州之駱

駝橋東集批答御書字以為額又序其事于批答碑

陰以大歷九年立

集古錄目

曹王臯出師碑

戴叔倫撰在黃梅縣衆造寺中不著書人名氏貞元

四年立

輿地  
碑目

銀臺亭門碑

德宗貞元十二年四月左右軍使奏去年冬車駕幸

諸營欲於銀臺亭子門外立碑以紀聖迹從之

舊唐  
書本

紀

尉遲祠祈雨碑

此碑唐嘉祐祈雨於尉遲勤之祠應而屬吏紀者書

法絕似蔡有鄰而少放

奔州山人篆

杜亭碑

在鍾離縣元和中杜牧作

與地碑目

元和碑

在永豐寶積院蔣穎叔詩云舊碑聊一讀唯有記元

和與地碑目

李白青山詩碑

李白至姑孰悅謝家青山欲終焉及卒葬東麓元和末宣歙觀察使范傳正祭其冢禁樵采訪後裔惟二孫女嫁為民妻泣曰先祖志在青山頃葬東麓非本

意傳正為改葬立二碑焉

唐書本傳

涵碧亭碑

寶曆二年立在東陽縣

輿地碑目

東武樓碑

崔耿撰正書無姓名會昌二年立

諸道石刻錄

東武樓碑陰詩

東武樓新城崔耿作會昌二年九月鐫

復齊碑錄

玉壘關碑

大中十年白敏中帥蜀日建

輿地碑目

儒宮碑

沈佐黃撰杜英正書并篆大中十三年十一月

金石錄

萬敬儒孝行狀碑

大中十三年知州盧潘立

輿地碑目

迴車院碑

刺史盖巨源撰大中十三年立

輿地碑目

平羌江繩橋碑

在巖道縣咸通十年上官朴所撰碑字亦隸體今在

江瀆廟

輿地碑目

豐州三官堂碑

中和元年忠州刺史陳侁撰

輿地碑目

李彦琛修經閣碑



天復七年立成州鳳凰山天復七年即天祐四年

是年二月唐禪於梁

輿地碑目

補

鑿字溪古碑

久視中王思齊鏡在湖廣靖州通道縣境

古今碑刻記

石礮磨崖碑

唐天寶時刻在南直隸寧國府涇縣西

古今碑刻記

李氏移先塋碑

李季卿撰李陽水篆書大曆二年立

金石錄

鮮于氏里門碑

韓雲卿撰韓秀弼八分書李陽水篆額大曆十二年

五月

金石錄

聰明山碑

洪經綸撰張沔八分書建中元年六月

金石錄

景教流行中國碑

建中元年僧景淨撰呂秀巖正書

金石文字記

修漢未央宮碑

裴素撰朱玘行書毛伯貞篆額會昌二年十一月建

復齋  
碑錄

補  
重修梁公堰碑

汜水主簿趙居貞撰縣令王象書梁公堰者隋開皇  
中華陽梁睿所修故以為名依山鑿堰以導河水通  
運路中間改其舊制別起渠口當河衝立石柱以醜  
水既成遽填塞不能通開元十五年勅將作大匠范

安復其故迹作此銘碑以開元十五年二月立

集古錄目

補 呂府君勅葬碑

右唐呂府君勅葬碑呂府君者名惠恭僧大濟之父  
代宗朝元載王縉用事宗尚浮圖之法大濟為帝常  
修功德使殿中監故褒贈其父為兗州刺史官為營  
辦葬事爵賞之濫一至于此

金石錄

補 李氏移先塋碑

此李氏卜葬李曜卿兄弟三人而弟李卿記從子陽

水書卜地人為邵權記云偏得管郭之道管謂公明郭則景純也書玉筋經大中祥符間翻刻故不及紹

雲碑

石墨  
錫華

無建立歲月者

臧氏糾宗碑

湖州刺史顏真卿撰并書臧氏東莞人自唐初靈州都督以下至京府參軍叔清族系名字官閥悉載于

碑不知所刻年月在三原

集古  
錄目

圮橋碑

無書撰人名氏城東南有小沂水水上有橋楚人謂

橋曰圮張良遇黃石公于下邳即此

寶刻  
叢編

八卦壇碑

在宛邱縣北一里即伏羲於蔡水得龜圖因畫八卦  
之壇舊有長史張齊賢之文後刺史李邕除舊文換

新文刻之

寰宇  
記

還珠記碑

元稹文在義烏縣長慶中立

輿地  
碑目

烏牙山碑

白居易撰在湖廣黃州府黃梅縣靈峯院

古今  
碑記

榮德山磨崖碑

唐刺史薛高撰在四川嘉定州榮縣界

古今  
碑記

寶氣亭碑

刻李德裕劍池賦在江西南昌府豐城縣西北

古今  
碑刻

記

招屈亭碑

劉禹錫撰在湖廣常德府城東南

古今碑  
刻記

孝源泉碑

孝子孫既碑在山東青州府莒州北

古今碑  
刻記

靈應泉碑

唐靜應真人碑在四川瀘州南

古今碑  
刻記

寶峰院碑

唐權德輿書在江西南昌府靖安縣石門山

古今碑  
刻記



修經閣碑

章汶撰在陝西鞏昌府成縣

古今碑刻記

刺史廳碑

李華撰在南直隸常州府治

古今碑刻記

洗筆池斷碑

碑載褚遂良湘潭偶題詩在湖廣長沙府湘鄉縣北

古今碑

刻記

陸贄祖宅碑

贛祖齊望捨宅為寺碑刻在嘉興府治之南

古今碑刻記

有錄無說者

千金陂碑

顏真卿書

以下俱金石畧

潁州殘碑

顏真卿書

涇縣斷碑

顏真卿書

趙公拜墓碑

裴潏書西京

唐碑俗云金字碑

韓滉書西京

符離灘水石橋碑

宿州房晉撰

薛氏先宗文碑 絳州

黃山亭碑又題名碑陰

杜牧之太平州

以上八碑  
俱金石畧

王維畫壁碑

陳傑書

墨池  
編

費亭臨渙之碑

無書撰人名氏 墨池  
編

荷澤興化感應靈迹碑

邵宗厚書 墨池  
編

封龍山碑

李公緒記無書人姓名 天下金  
石志

唐刻 碣表闕文

五穀大夫碣

撰人姓名殘缺鄭理正書開元二十三年六月

金石錄

不著撰人名氏唐人鄭理書據碑因過五羗大夫墓

作此銘以開元二十三年六月立

集古錄目

按寰宇記南陽縣西南七里有五羗大夫墓墓有碣

即此碣也南陽故申伯之國楚文王滅申以為縣秦

昭襄王使白起伐楚取郢即其地為南陽郡改縣曰

宛邱五羗大夫宛人仕虞為大夫晉獻公滅虞虜之

以勝于秦後亡走宛楚人執之繆公贖以羗羊之皮

五授之國政故稱五穀碑云大夫姓百里名奚諸侯

受封地方百里因氏

實列業編

孝子尹仁恕旌表闕文

不著書撰人名字闕文九十二字曰大唐孝子四葉

旌表尹仁恕闕其後有記仁恕曾祖養伯字嗣宗祖

悻字守忠父慕先字冬筠仁恕字南金皆以孝仁被

旌表仁恕闕以天寶五年立

集古錄目

唐之致治之意深矣嗚呼不得而見矣此碑尤可惜也

集古錄

尹氏孝德記

吏部尚書同中書門下三品張東之撰不著書人名

氏尹怍字守忠事親居喪皆以孝稱貞觀龍朔中再

有詔褒美旌表門閭碑以天寶五年立

集古錄目

襄陽尹氏世以孝聞天下嗣宗生怍怍生慕先慕先  
生仁恕一門四闕而此記又張柬之作忠臣孝子萃

此一碑可尊也

集古後錄

貞一先生廟碣

衛憑撰薛希昌八分書天寶六年七月

金石錄

陳隱王祠碣

衛憑撰八分書無姓名天寶九年五月

金石錄

蘇源明正德表

周良弼八分書天寶十四年立

金石錄

呂公表

元結撰顧戒奢八分書上元元年建巳月

金石錄

景祐三年余謫夷陵過荆南謁呂公祠堂見此碑立

庶下碑無趺石埋地中勢若將踏惜其文翰遂得斯本而入於地處字多缺滅今世傳元子文編亦有此文以碑考之集本首尾不完中間時時小異當以石本為是然石本亦自多亡缺可不惜哉

集古錄

跋顧誠奢書呂肅公碑後云少陵送顧八分文學詩云中郎石經後八分蓋顛顛顧侯運鑪錘筆力破餘地昔在開元中韓蔡同巖肩玄宗妙其書是以數子至此詩蓋謂誠奢也觀其遺蹟乃知子美弗虛稱之



碑首倒籀亦自奇古不獨八分可賞云

東觀餘論

董孝子碣

崔殷撰徐浩行書大歷十二年二月

金石錄

郭英乂紀德碣

中書舍人姚子彥撰不著書人名氏英義字英義太

原晉陽人嘗為陝州刺史碑以

闕

元年立

集古錄目

唐立晉謝公碣

裴倩撰僧道銳書大歷七年十月龍興寺沙門皎然

建復齋  
碑錄

立漢黃公碣

李翰撰張從中行書李陽冰篆額建中元年三月

金石錄

唐立樗里子墓碑

獨孤及撰張誼行書貞元三年立

金石錄

孝子張常洵旌表碣

貞元五年旌表張常洵門閭勅一道并紀孝行碑前

許昌主簿高宇撰旌表碣贊句容主簿承瓌撰皆同  
刻不著書人名氏常洧字巨川句容人居父喪廬墓

過期有芝草生於墳上故見旌表

集古  
錄目

唐孝子張常洧旌表碣文字磨滅僅可見其髣髴蓋  
孝悌之為名人之所甚慕而旌表非為一世勸也故  
特錄之者惜其將遂不見於後世也其文辭筆墨亦

自可佳然不專取乎此也

集古  
錄

邱公夫人虞氏石表

梁肅撰黎燧正書貞元十年十月

金石錄

成紀王祭北嶽碣

李穆撰令狐靖正書元和五年

金石錄

陽公舊隱碣

元和六年立

訪碑錄

刑部郎中胡証撰夏縣令黎煇書縣尉李靈省篆額

証其門人也無所立年月在夏縣

集古錄目

唐世篆法自李陽永後寂然未有顯於當時而能自

名家者靈省所書陽公碣筆畫甚可佳既不顯聞於  
時亦不見於他處以余家所藏之博而見於錄者惟  
此雖未為絕筆亦可惜哉嗚呼士有負其能而不為

世所知者可勝道哉

集古  
錄

### 新修虞舜廟碣

嶺南東道節度推官謝楚撰長慶元年立

輿地  
碑目

### 醉吟先生白公西北巖石碣

樂天自著墓碣也白敏中書會昌六年十一月立

復齋

碑錄

宣公律院碣

嚴厚本撰柳公權正書會昌元年

金石錄

晉關內侯廣昌長暨讓碣

咸通中湖州刺史孔彭立在杭州

金山寺石碣

光啟二年建國子祭酒張峒題詩勒石

金山志

孟浩然碣

唐處士孟君墓碑按唐史浩然襄陽人卒于開元之末樊澤為節度使乃刻碑鳳林山南封寵其墓余嘗親拜墓下碑刻兩面其一面極磨滅首行有江南風景四字墨工謂之江南風景碑多不模傳余反復研味乃同一碑爾遂語諸人其後得全碑者自余始此碑樊澤撰不載書人姓名襄陽耆舊傳謂亦樊澤書其間可與言詩及詩語樂和詩字皆從旨從寺此字於他書無所見獨見於此聊記之

集古後錄

陶孝婦墓碣

李繇作碣陸羽為文在浙江處州府青田縣南

古今碑刻

記

補

尹氏闕文

右尹氏闕文在襄州題云唐孝子尹仁恕闕萬歲通天二年旌表萬歲通天則天之年號也可謂昏亂之世矣然尹氏猶見旌表孔子以為忠信可行於蠻貊信矣孝悌見尊於昏亂也

集古錄



補貞一先生廟碣

左威衛錄事參軍衛憑撰右監門衛兵曹參軍薛希  
昌八分貞一先生者道士司馬子微也字承禎法號  
道德又自號白雲先生明皇置陽臺宮於王屋山以  
處之追謚貞一其從子綱因所居立以為廟碑無所

立年月在王屋縣

集古錄目



六藝之一錄卷七十五